



BOSNA I HERCEGOVINA
FEDERACIJA BOSNE I HERCEGOVINE
GRAD ZENICA

Na osnovu člana 2. stav 1. tačka 1) 2., člana 69. stav 2. tačka d) i 70. stav 1. 4. i 6. Zakona o javnim nabavkama („Službeni glasnik BiH“, broj 39/14, 59/22, 50/24), u otvorenom postupku za nabavku vatrogasnih uniformi, Gradonačelnik donosi:

ODLUKU
o poništenju postupka javne nabavke

Član 1.

Poništava se otvoreni postupak za nabavku vatrogasnih uniformi – LOT 1 – Nabavka radnih vatrogasnih uniformi, iz razloga što nijedna zaprimljena ponuda nije prihvatljiva, a u skladu sa članom 69. stav 2. tačka d) Zakona o javnim nabavkama.

Član 2.

Za izvršenje ove odluke zadužuje se i ovlašćuje Služba kabineta Gradonačelnika.

Član 3.

Ova odluka objavit će se na web-stranici Grada Zenica, u skladu sa članom 70. stav 6. Zakona o javnim nabavkama.

Član 4.

Ova odluka stupa na snagu danom donošenja.

OBRAZLOŽENJE

Postupak javne nabavke pokrenut je Odlukom o pokretanju postupka javne nabavke broj: 02-11-4255/25 od 26.02.2025. godine. Obavještenje o nabavci broj: 1355-1-1-23-3-81/25 objavljeno je na Portalu javnih nabavki dana 17.03.2025. godine, kao i u Službenom glasniku BiH broj: 17/25 od 21.03.2025. godine. Ispravka obavještenja o nabavci broj: 1355-1-1-23-8-91/25 objavljena 07.05.2025. godine, u Službenom glasniku BiH broj: 28/25 od 16.05.2025. godine.

Procijenjena vrijednost za predmetnu nabavku za LOT 1 iznosila je 72.000,00 KM bez PDV-a.

U krajnjem roku za dostavu ponuda za LOT 1 – Nabavka radnih vatrogasnih uniformi, Ugovorni organ zaprimio je tri ponude: ponudu ponuđača „EURO VEZ“ d.o.o. Tešanj, „ZENKO“ d.o.o. Zenica, „DANIAL S“ d.o.o. Tešanj koje su neprihvatljive, iz sljedećih razloga:

Ponuđač „EURO VEZ“ d.o.o. Tešanj nije dostavio uzroke u skladu sa tehničkom specifikacijom, kako slijedi:

- Stavka 1. Aneksa III – Kapa – tenderskom dokumentacijom navedeno je da s unutarnje strane podstavljena je tkaninom sive boje. Na uzorku kape ponuđača „EURO VEZ“ d.o.o. Tešanj podstava je plave boje, a što nije u skladu sa tehničkom specifikacijom.
- Stavka 4. Aneksa III – Bluza – tenderskom dokumentacijom propisano je da je bluza naprijed otvorena po cijeloj dužini, a otvor se zakopčava sa patentnim zatvaračem i preklopom s kopčama metalnotamnoplave boje. Na uzorku bluze ponuđača kopče su crne boje, a što nije u skladu sa tehničkom specifikacijom.

TRG BIH 6 | 72000 ZENICA

TELEFON 032 447 700 | TELEFON 032 447 775 - KABINET GRADONAČELNIKA | FAX 032 447 776

www.zenica.ba



BOSNA I HERCEGOVINA
FEDERACIJA BOSNE I HERCEGOVINE
GRAD ZENICA

- Stavka 5. Aneksa III – Majica – tenderskom dokumentacijom propisano je da su na zadnjem dijelu vezena slova žutom bojom naziv “VATROGASCI ZENICA” – Na uzorku su slova utisnuta, a ne vezena, a što nije u skladu sa tehničkom specifikacijom.
- Stavka 8. Aneksa III – Radni kombinezon – tenderskom dokumentacijom propisano je da je na leđima utisnut fluorescentni žuti natpis “VATROGASCI ZENICA” – Slova veličine 5 cm. – Na uzorku slova su veličine 4,7cm, a što nije u skladu sa tehničkom specifikacijom.
- Stavka 9. Aneksa III – Amblem – tenderskom dokumentacijom propisano su dimenzije: dužina 12 cm, širina 9cm. – Na uzorku širina je 11,5cm, a što nije u skladu sa tehničkom specifikacijom.

Zbog svega navedenog, uzorak ponuđača “EURO VEZ” d.o.o. Tešanj nije u skladu sa tehničkom specifikacijom iz tenderske dokumentacije, zbog čega se ponuda ponuđača “EURO VEZ” d.o.o. Tešanj odbacuje u skladu sa članom 68. stav 4. tačka i) Zakona o javnim nabavkama i ne ulazi u dalju evaluaciju ponuda.

Ponuđač “ZENKO” d.o.o. Zenica nije dostavio uzroke u skladu sa tehničkom specifikacijom, kako slijedi:

- Stavka 1. Aneksa III – Kapa – tenderskom dokumentacijom navedeno je da je kapa elipsastog oblika. Na uzorku kape ponuđača evidentno je da je ista okruglog oblika, a što nije u skladu sa tehničkom specifikacijom.
- Stavka 2. Aneksa III – Košulja – tenderskom dokumentacijom propisano je da na 10 cm od poruba bočnih strana su izrađeni šlicevi košulje, da je preklop dvije prednjice košulje izrađen ovalno. Na uzorku košulje ponuđača 16 cm od poruba bočnih strana su izrađeni šlicevi košulje, dok je preklop dvije prednjice košulje ravan, a što nije u skladu sa tehničkom specifikacijom.
- Stavka 4. Aneksa III – Bluza – tenderskom dokumentacijom propisano je da su na ramenima našiveni držači za naramenice – epolette s oznakom funkcije, a kopčaju se dugmetom tamnoplave boje. Na uzorku bluze ponuđača kopče su crne boje, a što nije u skladu sa tehničkom specifikacijom. Dalje, tenderskom dokumentacijom propisano je da na leđima bluze sa svake strane se nalaze rubovi okrenuti prema orukavlju, dok na uzorku ponuđača isti nedostaju, a što nije u skladu sa tenderskom dokumentacijom.
- Stavka 5. Aneksa III – Majica – tenderskom dokumentacijom propisano je da su na zadnjem dijelu vezena slova žutom bojom naziv “VATROGASCI ZENICA” – Na uzorku su slova utisnuta, a ne vezena, a što nije u skladu sa tehničkom specifikacijom.
- Stavka 7. Aneksa III – Cipele – tenderskom dokumentacijom propisano je da uložna tabanica je anatomske formirana tekstilna tabanica s okom za masažu. Na uzorku ponuđača postavljena tabanica nema oko za masažu, a što nije u skladu sa tehničkom specifikacijom.
- Stavka 8. Aneksa III – Radni kombinezon – tenderskom dokumentacijom propisano je da na prednjoj strain kombinezona u visini prsa nalivena su dva džepa s poklopcima koji se kopčaju kopčama. Na uzorku ponuđača umjesto kopči postavljene su “čičak” trake, a što nije u skladu sa tehničkom specifikacijom.
- Stavka 9. Aneksa III – Amblem – tenderskom dokumentacijom propisano su dimenzije: dužina 12 cm, širina 9cm. – Na uzorku širina je 11,4cm, a što nije u skladu sa tehničkom specifikacijom.

Zbog svega navedenog, uzorak ponuđača “ZENKO” d.o.o. Zenica nije u skladu sa tehničkom specifikacijom iz tenderske dokumentacije, zbog čega se ponuda ponuđača “ZENKO” d.o.o.

TRG BIH 6 | 72000 ZENICA

TELEFON 032 447 700 | TELEFON 032 447 775 - KABINET GRADONAČELNIKA | FAX 032 447 776

www.zenica.ba



BOSNA I HERCEGOVINA
FEDERACIJA BOSNE I HERCEGOVINE
GRAD ZENICA

Zenica odbacuje u skladu sa članom 68. stav 4. tačka i) Zakona o javnim nabavkama i ne ulazi u dalju evaluaciju ponuda.

Ponuđač "DANIAL S" d.o.o. Tešanj nije dostavio uzroke u skladu sa tehničkom specifikacijom, kako slijedi:

- Stavka 2. Aneksa III – Košulja – tenderskom dokumentacijom propisano je da na sredini leđnog dijela od šavova prema dolje izrađena je jedna dupla faltna dužine 30 cm. Na dostavljenom uzorku ponuđača nedostaje dupla faltna, a što nije u skladu sa tehničkom specifikacijom.
- Stavka 4. Aneksa III – Bluza – tenderskom dokumentacijom propisano je da na leđima bluže sa svake strane se nalaze rubovi okrenuti prema orukavlju, dok na uzorku ponuđača isti nedostaju, a što nije u skladu sa tenderskom dokumentacijom.
- Stavka 7. Aneksa III – Cipele – tenderskom dokumentacijom propisano je da uložna tabanica je anatomske formirana tekstilna tabanica s okom za masažu. Na uzorku ponuđača postavljena tabanica ne ispunjava uslove, niti je anatomska niti ima oko za masažu, a što nije u skladu sa tehničkom specifikacijom.

Zbog svega navedenog, uzorak ponuđača "DANIAL S" d.o.o. Tešanj nije u skladu sa tehničkom specifikacijom iz tenderske dokumentacije, zbog čega se ponuda ponuđača "DANIAL S" d.o.o. Tešanj odbacuje u skladu sa članom 68. stav 4. tačka i) Zakona o javnim nabavkama i ne ulazi u dalju evaluaciju ponuda.

S obzirom na navedeno, Ugovorni organ poništava postupak javne nabavke u skladu sa članom 69. stav 2. tačka d) Zakona o javnim nabavkama.

POUKA O PRAVNOM LIJEKU

Protiv ove Odluke može se izjaviti žalba Uredu za razmatranje žalbi, putem Ugovornog organa: Grad Zenica, Služba kabineta Gradonačelnika, Trg BiH 6, 72 000 Zenica, u roku od 10 (deset) dana od dana prijema Odluke.

Žalba se podnosi u 3 (tri) primjerka, kako bi mogla biti uručena izabranom ponuđaču, Uredu za razmatranje žalbi i Ugovornom organu.

Žalba se podnosi neposredno Ugovornom organu u pisanoj formi.

Broj: 02-11-4255-3/25

Datum: 28.05.2025. godine

DOSTAVLJENO :

- 3 x Ponuđači
- 1 x Služba kabineta Gradonačelnika
- 1 x Tenderska dokumentacija
- 1 x a/a

GRADONAČELNIK:

Fuad Kasumović